



En dumënia, ai 03.08.2014 complësc **Carlo Alfreider** da Pedraces 84 agn. L'Senioreclub y düta la Comunité ti aoda dü't l'bun, sanité y benedisciun de Dî.

Jun a pé cun l'KVV: en mercui, ai 30.07.2014 el sön l'program na gita a la *Taistner Alm y Luterkopf*. Piun ia da Pedraces dales 08:00 cun la coriera. Düc é dër bel invià y präibel prenotesse pro laco al nr.0471/839772.

L'grup dl "Schaukasten" dla cöra da La Ila mët a jì tla *Çiasa dla Cultura a La Ila* na mostra de dessëgn (acuarei y acrylics) de Andrea Peccei. Çi che vëgn trat ite va en benefiziënza a l'assoziatiun Peter Pan che dëida mituns ch'à l'crebesc. La mostra é daverta dagnëra de vëndres, sabeda y domënia dai 8 d'agost inant. Düc é der bel invià!

Informaziun dal Comun : al vëgn chirí en/na assistënt/a aministratíf/va por l'ofize protocol y sorvisc da tó jö sanch - VI. cf - a tëmp plëgn - dai 01.09.2014 ai 31.03.2015. Les domandes pò gni dades jö tl ofize protocol dl Comun anter i 08.08.2014 dales 12.00. Informaziuns plö avisa y la bandida dl concurs ciafen tl ofize personal tel. 0471/838231, tl ofize protocol 0471/839642 y tla tofla ofiziala te internet sot a www.comunbadia.it

Informaziun dal Sorvisc ai Jogn:

Referat y workshop a Badia y San Martin de Tor: "*Jones, ères stersces y sigüdes de sè instësses*".

Sot chësc leitmotiv organisëia le Raiun Sozial adöm al Sorvisc ai Jogn y Consëi de Formaziun da San Martin n referat y n workshop dal titol: "**Co renforzi pa la crëta te me instëssa y aumentëii la mia autostima? Y chëra de mies mitans y mituns?**" cun Doris Kaserer, pedagoga da Terlan, ai 30 de messè 2014 dales 20:00 a Badia te **Çiasa Runcher**. Inant vara ai 31 de messè 2014 dales 19:00 te **palestra a San Martin cun le workshop: "Autodefenuä - I m'la cavi inçe te situaziuns zities"** por ères dai 16 agn insö. I temesc de en che sëra: "Te lasces sauri provoché? Saste çì che te pos fa sce t'es te na situaziun zitia? Tres plö gunot és da sóra o cun compagnes incërch y te oress te sinti plü sigüda tl raport cun i atri?". Le cost é de 15,00 €.

I lasciun inçe alsavëi che en mercui, ai 30.07.2014 mët man le curs *jones stersces y sigüdes de se instësses* por düc i jogn/jones dla mesana co se à scrit ite. Le curs vëgn tigni mercui dales 15:00 ales 18:00 y jöbia, vëndres dales 09:00 ales 12:30 y dales 13:30 ales 16:00 tla palestra d'Al Plan de Mareo.




Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 35

Edema: 27.07. - 03.08.2014



**FESTA
de
SAN IACO**

**PATRONN DE NOSTA
DLIJA**

Vangele dla Dumënia che vëgn - XVIII° dl Ann „A“.

Dal Vangelo secondo - Evangelium nach (Mt. 14, 13-21)

In quel tempo, avendo udito, della morte di Giovanni Battista, Gesù partì di là su una barca e si ritirò in un luogo deserto, in disparte.

Ma le folle, avendolo saputo, lo seguirono a piedi dalle città. Sceso dalla barca, egli vide una grande folla, sentì compassione per loro e guarì i loro malati. Sul far della sera, gli si avvicinarono i discepoli e gli dissero: «Il luogo è deserto ed è ormai tardi; congeda la folla perché vada nei villaggi a comprarsi da mangiare». Ma Gesù disse loro: «Non occorre che vadano; voi stessi date loro da mangiare». Gli risposero: «Qui non abbiamo altro che cinque pani e due pesci!». Ed egli disse: «Portatemeli qui».

E, dopo aver ordinato alla folla di sedersi sull'erba, prese i cinque pani e i due pesci, alzò gli occhi al cielo, recitò la benedizione, spezzò i pani e li diede ai discepoli, e i discepoli alla folla. Tutti mangiarono a sazietà, e portarono via i pezzi avanzati: dodici ceste piene. Quelli che avevano mangiato erano circa cinquemila uomini, senza contare le donne e i bambini.


FUNZIUNS SACRES

27.07. **FESTA de San IACO - Patronn de nosta dliija**

- 10.00 Mëssa solena en onur de S.Iaco
Prozesciun y benedisciun
- 15.00 Ora de adoraziun
- 17.30 *Corona por la defunta Angela Trebo*
- 18.00 †ta Angela Trebo - **otavare**
†to Manfred Moling - aniversar
†to Gottfried Burchia – aniversar
†to Paul Valentini da S.Linert - aniversar

28.07. Lünesc

- 20.00 †to Antonio Palumbo - aniversar
†to Albino Alfarei – aniversar
†to Helmut Castlunger – aniversar
†to Rudi Rottonara - aniversar



30.07. Mercui

- 07.30 †to Guido Dapunt - aniversar
†ta Daniela Pescollderungg - aniversar
†ta Valeria Valentin Pizzinini

01.08. Vëndres – Prüm vëndres dl mëis


- 07.30 †ta Sabina Campeï
por fam. Alfred y Rita Irsara en rengraziamënt
en rengraziamënt y a d'intenziun

02.08. Sabeda

- 16.00 Mëssa a Oies

03.08. **XVIII. DUMËNIA dl ANN A – Festa dla Porziuncola**

- 10.00 Mëssa por la Comunità
- 18.00 †to Lois Irsara da Reslada - aniversar
†ti Sepl y Mena Frenademetz - aniversar
†to Giambattista Crepaz - aniversar
• *al cianta l'cor Philia* •



Dala VITA dla CÛRA

Comunità di Sant'Egidio – San Cristoforus

En dumënia, ai 3 de agost – inçe Festa dla Porziuncola – vëgn chi dla “Comunità di Sant'Egidio” a nes cuntè val de súa ativité y nos ti dun l'oferta. Deache ai fej tan tröp por les Misciuns ti dunse chësc ann l'oferta y porchël ne tignunse nia chësta dumënia l'oferta de San Cristoforus. Mo les santes de oraziun por i cïafêrs unse impò metü a disposiziun dan dliija. N bel giulan a düc i benefaturs.

Laûrs pro la dliija: jënt se damana: ci vëgnel pa fat pro la dliija? Al vëgn naota cuncè fora chëles perts dla falzada y porta che jô dër debujëgn y che comportâ n prigo da passè. Al foss sambëgn cïamò laûrs da fâ. Odun pa ci ch'i podun y messun cïamò fâ. Ci che reverda i **orghî nûs** (i ùn bel n ann) unse cïamò contribuè da cïafè y zënza sunse a bun punt. Ai vëgn dër laldà da düc chi che i sona. Cïamò n iade n gran bel giulan a düc i benefaturs.

Siur Degan

Festa dla Porziuncola en dumënia, ai 03.08.2014: en preparaziun a chësta festa saràl en vëndres, ai 01 de agost do mëssa y en dumënia, ai 03 de agost dales 17:00 inant ocajiun da se confessè. En la festa dla Porziuncola - “Perdon d'Assisi” pol gni davagnè l'induliënza do les condiziuns metüdes dant y conesciüdes.

Legio Mariae: chësc grup se abina indò en jöbia, ai 31.07.2014 dales 14:00 te dliija por n'ora de oraziun. Düc é dër bel invià.

Comuniun ai amarà: ala ti vëgn portada en vëndres, prüm dl mëis, ai 01.08.2014 dales 10:00 inant.

Conzert de Badiamusica: en mercui, ai 30.07.2014 dales 21:15 te dliija de Badia conzert de orghi de dliija cun Gustav Auzinger.



S.Iaco: chësta dumënia, ai 27.07.2014 festejunge l'patroziniun de nosc païsc cun mëssa solena y prozesciun. Dedò saràl n pice conzert dla mÿjiga de Badia.